



GODIŠNJI IZVJEŠTAJ

OKTOBAR 2023 – SEPTEMBAR 2024

SADRŽAJ

1. HUMANITY IN ACTION SUMMER FELLOWSHIP	3
2. POTICANJE DEMOKRATSKIH VRIJEDNOSTI I AKTIVNOG GRAĐANSTVA MEĐU MLADIMA	5
2.1 Dvanaesti ciklus programa 2023/24	5
2.2 Prvi edukacioni modul programa	7
2.3 Sažeci predavanja	7
2.4 Drugi modul programa: individualno istraživanje	11
2.5 Treći modul programa: trening iz projektnog i finansijskog menadžmenta	11
2.6 Četvrti modul programa: implementacija grupnih projekata	11
2.7. Peti modul programa: Medijska promocija	14
2.8 Treća PDVIAGMM Alumni Konferencija - Oblikovanje budućnosti demokratskog liderstva mladih	14
3. INTEGRIRANJE BIH U EU - PREVAZILAŽENJE POGREŠNIH PERCEPCIJA	15
4. HEAR THE CHILDREN: HEALING THROUGH STORIES AND ART	15
5. MEDIA LITERACY CAPACITY BUILDING PROGRAM	16
6. 12 LEKCIJA O NATO-U I BOSNI I HERCEGOVINI	16
7. OSTALE AKTIVNOSTI	17

1. HUMANITY IN ACTION SUMMER FELLOWSHIP

U toku mjeseca oktobra 2023. godine realizovan i implementiran je Action projekat pod nazivom "Prakse za održiv život" (Isa Zuhrić, Copenhagen Fellowship 2023) uz finansijsku podršku National Endowment for Democracy. Launch event Action projekta u Sali Gradskog Vijeća Sarajeva, održan je u petak, 6. oktobra u 17:00 sati, a uključivao je prezentaciju projekta i Praksi, te obrazloženje praksi, obraćanje predstavnika KJKP „RAD“ o sortiranju otpada u Kantonu Sarajevo, panel diskusiju na temu „Žašto je pitanje okoliša postalo i pitanje sigurnosti i mira?“ sa slijedećim učesnicima: prof.dr. Sanjin Gutić, prof.dr. Sanela Klarić, Belmin Zukan, te kratku radionicu o indirektnim emisijama CO2. Učesnici su bili mladi ljudi, studenti javnih i privatnih univerziteta, učenici završnih razreda srednjih škola, predstavnici civilnog društva, te mladi profesionalci i aktivisti. Panelu su prisustvovali i Master studenti Arhitekture na IBU kroz zoom poziv, te su na kraju svi učesnici imali priliku postavljati pitanja panelistima i ponuditi mišljenje, a na pauzi imali su i priliku upoznati se i razgovarati sa panelistima i učesnicima, razmijeniti kontakte itd. Više informacija se nalazi na [linku](#).

U novembru, međunarodni HIA tim je započeo pripreme na organizaciji Fellowship programa za 2024. godinu, formirajući nekoliko radnih grupa:

- Social media team
- Website team

Zajednički je odlučeno o formi programa za narednu godinu i o distribuciji fellowsa što znači da su aplikanti iz Bosne i Hercegovine imali priliku za učešće u programima u Amsterdamu, Kopenhagenu, i Sarajevu. Dodatno, odlučeno je da će program početi sa dva dana online programa 3. i 4. juna 2024. godine, nakon čega započinju programi uživo do kraja juna 2023., s tim da otvoreni pozivi počinju 11. decembra 2024., sa trajanjem do 04.02.2024.

HiA BiH Tim je najavio održavanje hibridnog Sarajevo Fellowship programa u vremenskom okviru:

- 03. – 04.2024 - internacionalni online program
- 05. – 12.06. online Sarajevo Fellowship program
- 15. - 28.06. – Fellowship program u Sarajevu

U januaru 2024. godine, tačnije 19. januara je održan HIA webinar za potencijalne aplikante zajedno sa predstavnicima svih HIA ureda. Tokom webinara, svaki ured je ukratko predstavio fokus svog programa, nakon čega su Senior fellows iz prošlogodišnje generacije odgovarali na brojna pitanja publike o svom iskustvu učešća na programu. Webinaru je prisustvovalo preko 150 osoba.

Poziv za dostavljanje prijava za Summer Fellowship 2024. je zatvoren 04. februara 2024. godine. Izdvojeno je 13 aplikanata za drugu fazu izbora, 8 iz BiH koji su izrazili želju da postanu dio Fellowshipa u Kopenhagenu, Amsterdamu, Sarajevu i Berlinu, i 5 iz Francuske koji su aplicirali

za Fellowship u Sarajevu. ZA proces selekcije se stupilo u komunikaciju sa Senior fellowsima sa pozivom da se pridruže selekciji, od čega su se pozivu odazvali Alen Kerić (2016 Diplomacy & Diversity Fellowship, 2017 Pat Cox Fellowship), Kerim Hodžić (2020 John Lewis Fellowship), Nersad Ikanović (2023 Mapping Democracy) i Ivana Kulić (2019 Amsterdam Fellowship). Februar 2024, godine je također bio obilježen pripremom za selekciju novih Fellowsa.

Početkom marta, 04., 05., i 06. marta održani su online intervjui sa aplikantima za Fellowship programe sa Komisijom za koja je sastavljena od Zarje Marković (izvršna direktorica HIA BiH), Ivana Kulić (Senior Fellow), Nersad Ikanović (Senior Fellow), Isa Zuhrić (Senior Fellow), Kerim Hodžić (Senior Fellow), Aida Topić (HIA BiH Intern) te odabrala je sljedeće kandidate za Fellowship programe:

Aisa Čakanović	Amsterdam Fellowship
Maja Tešić	Amsterdam Fellowship
Maja Bajić	Copenhagen Fellowship
Almina Bajić	Sarajevo Fellowship
Jelena Valisavljević	Sarajevo Fellowship
Haris Šehović	Sarajevo Fellowship
Ali Musić	Sarajevo Fellowship
Neven Rokvić	Sarajevo Fellowship

Odabranim Učesnicima su poslani pozivi za učešće. Definisano je da će organizacija Sarajevo Fellowshipa biti održana u terminu 03. – 28.06. te biti finansirana od strane HIA Inc., Open Society Fund, National Endowment for Democracy i Friedrich Ebert Stiftung.

Prvi zajednički kontakt sa izabranim Sarajevo fellowsima je održan 14. maja putem ZOOM sastanka gdje je namjera sesije bila da se fellowsi poznaju sa Humanity in Action timom u Sarajevu, kako bi stekli prvi dojam s ljudima kojima će se družiti u Sarajevu, te da odgovori na njihova pitanja. Održan je i ZOOM sastanak sa fellowsima koje HIA BiH šalje u Amsterdam i Kopenhagen, radi dogovora oko stipendija i Action projekata.

U toku mjeseca juna HiA BiH tim, u sastavu Zarja Marković i PDVIAGMM 2023/24 učesnica Dženana Osmanović, je sa internima Patrick Dominic Wright (Burch Univerzitet), Anju Sadasivam i Orestisom Nicolauom (ERMA), održao Sarajevo Fellowship program u hibridnom formatu u ukupnom trajanju od 3 sedmice nacionalnog programa i 2 dana internacionalnog programa. 15 fellowsa (4 iz BiH, 2 iz Danske, 1 iz Njemačke, 2 iz Poljske, 1 iz Francuske/Srbije i 5 iz SAD-a) iz je imalo priliku da odsluša online i uživo u Sarajevu i Banja Luci preko 25 predavanja i panel diskusija koja se tiču civilnog društva, procesa suočavanja sa prošlošću, tranzicionog procesa, borbe za ljudska prava te mnoštvo drugih. Tokom posljednje Action Week sedmice programa, fellowsi su uspješno implementirali četiri mini projekta/kampanje. Fellowship je protekao uspješno bez ikakvih problema. U predstojećem periodu (august - oktobar 2024) slijedi proces implementacije četiri Action projekta fellowsa iz Bosne i Hercegovine. Kompletan izvještaj o Sarajevo Fellowship program se nalazi na [LINKU](#)

2. POTICANJE DEMOKRATSKIH VRIJEDNOSTI I AKTIVNOG GRAĐANSTVA MEĐU MLADIMA

2.1 Dvanaesti ciklus programa 2023/24

01. oktobra je započela implementacija 12. ciklusa PDVIAGMM uz podršku National Endowment for Democracy, kao i Ekonomskog fakulteta koji je i ove godine velikodušno ustupio svoje prostorije za devetodnevni modul u decembru 2023. godine. Poziv za slanje prijave za učešće je otvoren 11. oktobra, koji je objavljen na HIA BiH kanalima društvenim mreža, [web stranici](#), mailing listom je poslan cjelokupnoj HIA BiH mreži, te je molbom za objavu poslan svim Univerzitetima i fakultetima u BiH, te svim relevantnim online portalima koje posjećuju studenti u potrazi za prilikama za dodatno obrazovanje i izgradnju vještina. Prijave je bilo moguće slati putem [formulara na linku](#) do 11. novembra 2023. godine. Poslije procesa pred-selekcije, objavljeni su online intervjui sa pozvanim kandidatima i kandidatkinjama. Odabrani učesnici i učesnice su:

Ime i prezime	Mjesto	Visokoškolska ustanova (univerzitet, fakultet, visoka škola)	Smjer	Godina studija
Amela Tahirbegović	Sarajevo	International University of Sarajevo	Pravni smjer	Četvrta godina
Maja Lukić	Gradiška	Medicinski fakultet Univerziteta u Banjaluci	Farmacija	Četvrta godina
Almedina Kadrić	Sarajevo	UNSA Fakultet političkih nauka	Politologija – Međunarodni odnosi i diplomatija	Druga godina
Ejub Hadžić	Bugojno	Fakultet saobraćaja i komunikacija UNSA	Komunikacijske tehnologije	Prva godina
Dženisa Joldić	Sarajevo	UNSA Fakultet političkih nauka	Žurnalistika / komunikologija	Četvrta godina
Faris Ćosović	Sarajevo	UNSA Fakultet političkih nauka	Politologija – Međunarodni odnosi i diplomatija	Druga godina
Sevda Muratović	Velika Kladuša	UNSA Fakultet političkih nauka	Politologija – Međunarodni odnosi i diplomatija	Druga godina
Ena Beganović	Visoko	Internacionalni univerzitet u Sarajevu	Ekonomija	Četvrta godina
Sreten Milutinović	Srbinje	Poljoprivredni fakultet, Univerzitet u Istočnom Sarajevu	Šumarstvo	Četvrta godina

Nizama Husetić	Bihać	Univerzitet u Sarajevu, Pravni fakultet	Pravo	Treća godina
Sarah Ela Salihbegović	Tuzla	Filozofski fakultet Univerziteta u Tuzli	Turski jezik i književnost	Treća godina
Dženana Osmanović	Gradačac	Univerzitet u Sarajevu	Međunarodni odnosi i diplomacija	Treća godina
Lejla Joldić Božica	Hadžići	Univerzitet u Sarajevu	Zdravstvene studije	Njega
Mladenović	Banja Luka	Univerzitet u Banja Luci	Komunikologija i žurnalistika	
Ema Beganović	Tuzla	Univerzitet u Tuzli	Fakultet političkih nauka	Međunarodni odnosi i diplomacija

2.2 Prvi edukacioni modul programa

Nakon odabira polaznika i polaznica dvanaeste generacije PDVIAGMM programa, 09. decembra 2023. godine započeo je novi ciklus. Fellowsi su sa predavačima_cama iz različitih oblasti razgovarali o temama kao što su inkluzivna društva, uloga medija u demokratskim sistemima, proaktivno građanstvo te značaj razumijevanja historije u kontekstu bosanskohercegovačkog društva.

2.3 Sažeci predavanja

Trenutni izazovi BiH demokratije

Prvi dan PDVIAGMM programa započeo je predavanjem koje je facilitirao dr. Midhat Izmirlija, Pravni fakultet UNSA, govoreći o različitim izazovima demokratije u BiH. Profesor Izmirlija je, postavljajući različita pitanja, zajedno s fellowsima najprije definisao sami pojam demokratije te im je predstavio značajne filozofske koncepte ovog pojma, nakon čega je govorio o mehanizmima zaštite ljudskih prava, predviđenih Ustavom i zakonima pokušavajući dati odgovor na pitanje da li je moguće uspostaviti demokratiju u multietničkom, multireligijskom, višejezičnom društvu, te imamo li zaista drugačiju kulturu s različitim vrijednostima.

Politička participacija i političko predstavljanje nacionalnih manjina u BiH

Dr. Maja Savić – Bojanić sa Sarajevo School of Science and Technology je sa fellowsima razgovarala o političkoj participaciji i predstavljanju nacionalnih manjina u BiH, vodeći se pitanjima zašto građani određene države učestvuju u politici iako je institucionalizovana diskriminacija u vidu ograničenja za učešće i koji su sve kanali putem kojih se nacionalne manjine mogu uključiti u politiku. Fellowsi su imali priliku čuti više o tome u kolikom obimu zapravo nacionalne manjine učestvuju u politici u BiH, koji su postojeći kanali participacije i načini predstavljanja etničkih manjinskih grupa.

EU i BiH: Članstvo – Zašto i kako

Prvi dan programa je zaključen predavanjem profesorice Nedžme Džananović - Miraščija sa Fakulteta političkih nauka Univerziteta u Sarajevu. U toku predavanja profesorica je govorila o Evropskoj uniji, načinu na koji je nastala, te njenom značaju i uticaju na globalne političke tokove. Također, sa fellowsima je razgovarala o njihovim prvim asocijacijama na EU, nastojeći im pobliže objasniti tačke koje su nabrojali, te se naročito posvetila objašnjavanju puta Bosne i Hercegovine ka Evropskoj uniji.

Ekonomija i mane međunarodne ekonomije u BiH

Drugi dan je započeo sa Samirom Sulejmanović, šeficom Odjela za bilateralne trgovinske odnose u Ministarstvu vanjske trgovine i ekonomskih odnosa BiH, koja je održala je veoma dinamično i interaktivno predavanje, a u toku kojeg su fellows imali priliku učiti o ekonomiji u BiH, ciljevima vanjskotrgovinske politike BiH mreži međunarodnih sporazuma te pitanjima uvoza i izvoza u BiH.

Sigurnosni okvir u BiH i borba protiv organiziranog kriminala

Drugi dan programa je nastavljen sa prof. dr. Eldanom Mujanovićem, redovnim profesorom na Fakultetu za kriminalistiku, kriminologiju i sigurnosne studije UNSA. Tema njegovog predavanja bila je sigurnosni okvir u BiH i borba protiv organizovanog kriminala. Fellowsi su dobili priliku da učestvuju u aktivnoj diskusiji i izraze svoja mišljenja o sigurnosnom stanju, te koncentraciji kriminaliteta u BiH. Cilj ovoga predavanja je da se učesnici upoznaju s osnovnim pojmovima o organizovanom kriminalu, ključnim međunarodnim i domaćim materijalnim i procesnim propisima kojima se reguliše ta problematika.

„Ekotok“ i „Flowering Marathon“ video projekcija i diskusija

Naredna sesija je bila posvećena uvodu u eko-teme video projekcijom i diskusijom o PDVAIGMM projektima "Ekotok" i „Flowering Marathon“. Projekti koji adresiraju 'ecomainstreaming' i uvođenje eko praksi u svakodnevni život, kao i inicijativama podizanja svijesti najmlađih o očuvanju okoliša, su potakli dinamičnu diskusiju među fellowsima koji su podijelili mnoge primjere potencijalno opasnog zagađenja rijeka, šuma i okoliša u svojim zajednicama u BiH, ali u zemljama širom svijeta gdje su imali priliku putovati.

Borba za prava „nevidljivih u BiH

Ajna Jusić, osnivačica i izvršna direktorica udruženja Zaboravljena djeca rata podijelila je svoja razmišljanja o jednakim pravima za preživjele silovanja, pristupu pravosudnom sistemu, zašto ljudska prava ponekad djeluju kao iluzija, bivanju označenom kao bez oca i još mnogo toga o uobičajenim posljedicama prisilnog braka i prisilnog majčinstva.

Izazovi memorijalizacije u post-ratovskoj BiH

Dr. Hikmet Karčić je predavao o značenju i važnosti memorijalizacije tragičnih ratnih događaja i žrtava, govoreći o brojnim primjerima dokumentovanih događaja koji su se desili tokom ratnih 90-ih u BiH, naglašavajući važnost nepristrasnih natpisa na spomenicima, kao načina prevencije sukoba i izgradnje mira. Sa fellowsima se dotakao pitanja identiteta naroda u BiH, događaja masovnog stradanja tokom 20. stoljeća i kompleksnosti istih, a koji su u konačnici doveli do rata u BiH 1992-95.

Preporod i njegovanje kulture mira

Velma Šarić, predsjednicom The Post-Conflict Research Center (PCRC) je sa fellowsima razgovarala o kolektivnom sjećanju, suočavanju sa prošlošću i memorijalizaciji u BiH kroz rad PCRC-a, a predavanje je zaključeno sa gledanjem filma „Obični heroji“, nastalog u produkciji PCRC-a.

Tokom poslijepodneva, upriličena je posjeta Muzeju ratnog djetinstva.

Emocionalno navigiranje: Mlade osobe u post-konfliktnom društvu – razumijevanje memorijalizacije, izgradnje mira i psihološko opterećenje

Drugi dan PDVIAGMM programa je zaključen sa sesijom koju je vodila Ira Adilagić-Kreso, psihologinja i psihoterapeutkinja pod supervizijom i razgovorom o emocionalnoj inteligenciji i emocionalnoj navigaciji u kontekstu mladih u post-konfliktnom društvu, te o razumijevanju memorijalizacije, izgradnje mira, i psihološkom teretu koji dolazi sa ovim.

Komunikacija sa organima javne uprave u Bosni i Hercegovini

Treći dan je započeo sa predavanjem Aiše Telalović o komunikaciji sa organima javne uprave u Bosni i Hercegovini, stavljajući fokus na Zakon o slobodi pristupa informacijama, njegovom značaju i načinu primjene. Aiša je također predstavila i lična iskustva u komunikaciji sa javnom upravom, značajno olakšavajući razumijevanje značaja ovog zakona.

Organiziranje prava mladih u lokalnim zajednicama u Bosni i Hercegovini

Berina Bukva – Alibašić, trenerica za rad sa mladima na temama ljudskih prava, rodne ravnopravnosti, izgradnje mira i pomirenja je sa fellowsima govorila o omladinskom organizovanju u BiH, zakonima koji postoje na ovom polju te o problemima na koje mladi nailaze kada žele da ostvare neka od svojih prava u različim zajednicama u BiH.

Studentski aktivizam – iskustva i prakse

Advokatica Armela Ramić je kroz interaktivnu sesiju sa fellowsima radila na pisanju formalnog pisma u kojem su fellowsi tražili rješenje problema kojeg su identificirali na svojim matičnim fakultetima. Kroz prezentacije svojih dopisa, dobili su koristan feedback na ono što su pripremili.

Modeli održivog ekološkog razvoja

Sa dr. Sanela Klarić, stručnjakinjom u oblasti održivog razvoja i cirkularne ekonomije, fellowsi su razgovarali o različitim aspektima zaštite okoliša u BiH, posebno u vezi sa projektima održivog ruralnog razvoja i stanja u Sarajevu u pogledu zagađenja zraka.

Prezentacija action projekta „Practices for Sustainable Living“

Senior fellow Isa Zuhrić (2023 Humanity in Action Copenhagen Fellowship) je predstavio istraživanje koje je proveo tokom implementacije svog Action projekta „Sustainable Living Practices“, fokusirajući se na pitanja, izazove i probleme okoliša u BiH. Isa je podijelio praktičnu stranu implementacije svog projekta, iskustva i preporuke te savjete kako bi pomogao fellowsima u narednim fazama učešća na PDVIAGMM projektu.

Aktivno građanstvo u BiH

Sa Lejla Bičakčić iz Centra za istraživačko novinarstvo, fellowsi su razgovarali o tome šta danas znači aktivno građanstvo u BiH, kako građani konzumiraju medije i kakve informacije i na koji način današnji mediji pružaju javnosti u odnosu na medije prije, kako mediji mogu biti bolji u smislu pružanja provjerenih informacija, te o načinima na koje građani, u saradnji sa različitim medijima, mogu doprinijeti smanjenju korupcije te sprječavanju koruptivnih radnji u društvu.

Dijalog i tolerancija

Profesor Dino Abazović sa Fakulteta političkih nauka Univerziteta u Sarajevu je održao predavanje o važnim pitanjima poput toga šta su predrasude, stereotipi i diskriminacija, ali je sa fellowsima razgovarao i o tradicionalizmu u BiH, političkoj kulturi ili nekulturi, antiintelektualizmu, predrasudama i nepostojanju kritičke javnosti u BiH.

Problemi roda i međunarodne konvencije o zaštiti ženskih prava

Sa Lejla Hodović iz Gender Centar Vlade Federacije Bosne i Hercegovine su fellowsi istražili stanje ravnopravnosti spolova u BiH društvu, aktivno sudjelovali u diskusiji i dijelili svoja iskustva i mišljenja o ovoj temi. Cilj sesije bio je predstaviti osnovne pojmove vezane uz diskriminaciju na osnovu spola, rodne stereotipe i predrasude, te mehanizme zaštite od diskriminacije kao važnog segmenta za naše društvo.

Inkluzivni aktivizam i borba za ravnopravnost

Dajana Bakić i Amina Imamović iz Sarajevskog otvorenog centra su podijelile svoja iskustva o o inkluzivnom aktivizmu i borbi za ravnopravnost LGBTQ+ zajednice u BiH, te o izazovima i uspjesima u ostvarivanju prava članova LGBTQ+ zajednice.

Inkluzivno društvo: prilike i izazovi

O inkluzivnom društvu se razgovaralo sa osnivačicom udruženja Znak za riječ, Almom Mujanović koja je govorila o tome šta suštinski znači društvena inkluzija, naročito u kontekstu osoba sa oštećenjem sluha, te kroz interaktivan rad naučila fellowse osnovama znakovnog jezika i zajedno sa njima snimila video poruku koristeći nove usvojene vještine znakovnog jezika.

Medijska pismenost u BiH

Doktor komunikoloških nauka, doc. dr. Vuk Vučetić sa Filozofskog fakulteta Univerziteta u Istočnom Sarajevu je sa fellowsima razgovarao o o ulozi i razvoju medija u BiH i o tome koja je uloga medija u političkom životu. Kroz interesantnu ice-breaker vježbu, fellowsi su učestvovali u diskusiji o medijima u BiH, razmjenjivali mišljenja i postavljali mnogo pitanja.

Uloga i razvoj medija u BiH i njihova uloga u politici

Profesorica Belma Buljubašić, Fakultet političkih nauka UNSA, je sa fellowsima razgovarala o medijima i njihovoj ulozi u demokratskim društvima, o razvoju medija u BiH i njihovoj ulozi na politički život i obratno. Profesorica je predstavila zakonske regulative medija u BiH te je govorila o različitim napadima i pritiscima koje novinari i novinarki nerijetko doživljavaju.

Radionica medijskog treninga

Sladjan Tomić, freelance novinar je održao dinamičnu radionicu medijskog treninga gdje su fellows stvarali i oblikovali saopštenja za svoje hipotetičke projekte, učeći ključne vještine pisanja i komunikacije u medijima. Sladjan je podijelio svoje novinarsko iskustvo, pružajući učesnicima smjernice za efikasno izražavanje i promociju njihovih ideja.

Prvi edukativni modul PDVIAGMM je završen sa debatnom radionicom koju je vodila Ivana Kešić.

2.4 Drugi modul programa: individualno istraživanje

Mentorica Ana Jovanović: Faris Ćosović, Lejla Joldić, Sreten Milutinović, Ena Beganović i Ejub Hadžić

Mentorica Nina Kurt: Alma Kafedžić, Maja Lukić, Almedina Kadrić, Sarah Ela Salihbegović i Ema Beganović

Mentorica Ema-Džejna Smolo-Zukan: Nizama Husetić, Dženana Osmanović, Dženisa Joldić, Amela Tahirbegović i Sevda Muratović

Po završetku prvog edukacionog modula u decembru, učesnici su nastavili raditi na svojim policy brief radovima u sklopu drugog modula projekta. Njihov zadatak je bio pronaći dobre prakse u drugim državama te identifikovati preporuke kako se mogu implementirati u BiH u svrhu rješenja problema koje istražuju. Dodatnu, u februaru je angažovana i studentica Aida Tepić koja je u okviru svoje prakse dobila zadatak da stupi u kontakt sa fellowsima i eventualno im pruži pomoć u njihovim zadacima, kao studentica treće godine međunarodnih odnosa i evropskih studija na Internacionalnom Burch Univerzitetu u Sarajevu.

2.5 Treći modul program: trening iz projektnog i finansijskog menadžmenta

Od 25.-28-04. fellows su bili u Neumu, gdje je zvanično otpočeo 3. modul PDVIAGMM programa – trening projektnog i finansijskog menadžmenta. Modul je započet sa treningom upravljanja projektnim ciklusom i budžetiranjem. Nakon učenja o fazama i elementima projekta, ciljnim grupama, ulogama na projektu i slično, kroz praktičnu vježbu fellows su imali zadatak da osmisle inicijativu služeći se S.M.A.R.T. ciljevima. Trening u Neumu je rezultirao sa četiri nova inovativna projekta. Projekti obuhvataju teme političkog opismenjavanja i poticanje građanskog učešća mladih kroz format bingo takmičenja, memorijalizacije kroz mapiranje različitih formi spomenika i memorijala civilnim žrtvama rata, rječnika Rosm kog jezika i online kampanje učenja jezika, te masovne Pen pal kampanje za najugroženije i najizolovanije grupe kao što su starije osobe u staračkim domovima, djeca bez roditeljskog staranja u domovima te korisnice sigurnih kuća.

2.6 Četvrti modul programa: implementacija grupnih projekata

U toku mjeseca juna, jula i augusta 2024. godine, učesnici su marljivo radili na pripremi i implementaciji svojih projektnih inicijativa. Četiri grupe učesnika sa mentorima su aktivno radili na logističkoj obradi svojih inicijativa te su svi projekti uspješno implementirani.

Grupa A: Amela Tahirbegović, Ena Beganović i Nizama Husetić - „Dragi prijatelju”

Uz veliku angažiranost naših fellowki, Amele Tahirbegović, Ene Beganović i Nizame Husetić, ovaj projekat je donio radost i toplinu u živote štićenika domova za starije osobe, domova za nezbrinutu

djecu i sigurnih kuća. [Dragi Prijatelju](#) je inicijativa, zasnovana na principu Pen pal, odnosno razmjenjivanja pisama, koju su pokrenule ove mlade djevojke s ciljem borbe protiv društvene izolacije najugroženijih grupa u bh. društvu – žrtava porodičnog nasilja, nezbrinute djece, i osoba treće životne dobi, te problema manjka empatije kroz anonimno pisanje pisama. Do 25. jula 2024. godine primile su preko 100 anonimnih pisama ispunjenih emocijama, podrškom i ohrabrenjem. Svako od pisama je upućeno korisnicima sigurne kuće i doma za osobe treće životne dobi zahvaljujući predanom radu socijalnih radnika i partnera projekta „Fondacija lokalne demokratije“ i Dom penzionera “Green”. Fellowke kažu da su oduševljene odazivom šire javnosti i reakcijama korisnika, koji su iskazali snažnu podršku inicijativi pozivajući na nastavak u budućnosti. Projekat je završen panel diskusijom "Povežimo se ponovo: suočavanje sa društvenom izolacijom i manjkom empatije" održanom 30. jula u Europe House u Sarajevu, na kojoj su govorile Mia Komšić - magistrica psihologije i psihoterapeutkinja, Edina Bašić - predstavnik Centra za zdravo starenje i Lejla Lojo Karamehmedović - predstavnik Fondacije lokalne demokratije. Panel je otvorio važne teme o društvenoj izolaciji i empatiji, te ponudio konkretne korake kako se zajednica može zajedno suočiti s ovim izazovima. Nakon panela, fellowke su odabrale pismo spisateljice Kadife Tahirović iz Bihaća kao pobjedničko i najljepše pismo. Kadifa je svojim riječima uspjela prenijeti duboke emocije, ljubav i podršku prijateljici i žrtvi porodičnog nasilja, podsjećajući sve na snagu pisane riječi. Tim je imao i veoma uspješnu medijsku promociju projekta uoči panel diskusije i nakon gdje su dobile veoma pozitivne komentare od čitalaca portala i gledalaca na Youtube platformi medijskih kuća gdje su fellowke imale gostovanja.

Grupa B: Almedina Kadrić, Sevda Muratović, Faris Ćosović i Sarah Ela Salihbegović – “Osnaži svoj glas - Devet izazova - jedna revolucija”

Pod sloganom "Devet izazova, jedna revolucija", ovaj projekat u formi kampanje na društvenim mrežama, implementiran od strane naših fellowsa Almedine Kadrić, Sevdine Muratović, Sarah Ele Salihbegović i Farisa Ćosovića, imao je za cilj unaprijediti političku pismenost i građanski angažman među mladima u Bosni i Hercegovini. Kroz devet pažljivo osmišljenih izazova i online kampanju, učesnici izazova iz cijele BiH su stekli dragocjena znanja o važnim političkim i društvenim temama, uključujući zahtjev za pristup informacijama, Zakon o mladima, prepoznavanje lažnih vijesti, te analizu predizbornih obećanja. Naši PDV-ovci kažu da ih posebno raduje što su kroz ovaj projekt uspjeli uključiti i humanitarne akcije i aktivnosti čišćenja okoline, kroz koje su mladi pokazali empatiju prema zajednici i interes za očuvanje okoliša. Njihova angažiranost i želja za učenjem bili su izvanredni, a tri najaktivnija učesnika iz Stoca i Visokog su nagrađena novčanim nagradama. Tokom završne panel diskusije, gdje je govorio i predstavnik M1 Prava za mlade političkog projekta Adnan-Mustafa Hasanagić, fellowsi su sumirali utiske o uspješnosti projekta i razmijenili mišljenja, pri čemu su kažu shvatili koliko je ova kampanja bila značajna. Mnogi mladi učesnici izazova istaknuli da su prvi put susreli određene političke pojmove i spoznali svoja prava, što je upravo bio cilj projekta. Kroz "Osnaži svoj glas", naši fellowsi su postavili temelj za razvoj mladih kao odgovornih i svjesnih građana, spremnih da preuzmu aktivnu ulogu u izgradnji bolje budućnosti za sve nas.

Grupa C: Božica Mladenović, Maja Lukić, Ejub Hadžić i Sreten Milutinović - “Romani Lil – mini rječnik Romskog jezika”

Projekat izrade bh. rječnika Romskog jezika predstavlja izuzetan napor tima, koji su činili Ejub Hadžić, Sreten Milutinović, Božica Mladenović i Maja Lukić, u cilju podizanja svijesti o romskoj kulturi i jeziku te jačanja inkluzije romske zajednice, koja je najveća nacionalna manjina u Bosni i Hercegovini. Kroz višemjesečni rad, tim je pažljivo prikupio i dokumentovao osnovne riječi i izraze na romskom jeziku, te ih preveo na BHS jezike. Ovaj rječnik nije samo lingvistički resurs, već i alat za promovisanje razumijevanja i uvažavanja bogatstva romske kulture, koja je često marginalizovana i suočava se sa brojnim predrasudama i diskriminacijom. Tokom projekta, članovi tima su se fokusirali na izradu rječnika koji je dostupan i u digitalnom i u štampanom formatu, čime se osigurava široka dostupnost ovog važnog resursa. Promocija rječnika, koja je uključivala izjave Božice Mladenović i Ejuba Hadžića za medije, te podjelu rječnika građanima na ulici, bila je ključna za povećanje vidljivosti projekta i podsticanje društvene inkluzije. Ovaj projekt predstavlja značajan korak ka priznanju i očuvanju kulturnog i jezičkog identiteta romske zajednice u Bosni i Hercegovini, te doprinosi izgradnji inkluzivnijeg i pravednijeg društva za sve.

Grupa D: Dženana Osmanović, Dženisa Joldić, Lejla Joldić i Ema Beganović - „Atlas memorije - mapiranje civilnih spomen obilježja“

Projekat „Atlas memorije - mapiranje civilnih spomen obilježja“ ostvario je značajan napredak u promovisanju tranzicijske pravde i očuvanju sjećanja na civilne žrtve rata iz perioda 1992- 1995. u Bosni i Hercegovini. Kroz angažman naših fellowki, organizaciju ključnih aktivnosti, poput javnog poziva javnosti za pomoć pri mapiranju mjesta panel diskusije, projekat je uspio skrenuti pažnju javnosti na važnost pravilne memorijalizacije i potrebu za usklađivanjem spomen-obilježja sa sudski utvrđenim činjenicama. Panel diskusija održana u Sarajevu na temu „Memorijalizacija civilnih spomen obilježja“ okupila je stručnjake iz oblasti tranzicijske pravde i novinarstva. Među panelistima su bili Enes Hodžić, iskusni novinar i saradnik BIRN-a, koji je upozorio na problematiku nedostatka strategije tranzicijske pravde i značaj ovakvih projekata za buduće generacije. Erna Mačkić, urednica Centra za postkonfliktna istraživanja, govorila je o neskladima između natpisa na spomenicima i sudski utvrđenih činjenica, naglašavajući potrebu za regulacijom ove oblasti kako bi se izbjegao govor mržnje i promovisala zajednička istina. Kerim Hodžić, Humanity in Action BiH Senior fellow, osvrnuo se na pravne prepreke u postavljanju spomen-obilježja i istakao važnost uključivanja mladih u procese memorijalizacije. U mini brošuri „Atlas memorije“ predstavljeno je 77 spomenika kojima se odaje počast civilnim žrtvama rata na području Bosne i Hercegovine. Građani su aktivno uključeni u proces mapiranja putem online formulara, čime je zajednica postala suštinski dio ovog projekta, a njihov doprinos je dodatno obogatio sadržaj brošure. Osnivačice projekta, Dženana Osmanović, Dženisa Joldić, Lejla Joldić i Ema Beganović, predano su radile na razvoju i implementaciji svih aktivnosti, organizovale panel diskusije, i mobilisale zajednicu da se uključi u proces mapiranja. Njihova posvećenost i inovativan pristup omogućili su projektu da postigne široki doseg i uticaj u zajednici, posebno među mladima koji su aktivno doprinosili mapiranju i pružanju povratnih informacija za dalji razvoj projekta. Projekat „Atlas memorije“ postao je važan resurs za buduće generacije i temelj za dalji rad na području memorijalizacije i izgradnje mira u Bosni i Hercegovini.

2.7. Peti modul programa - Medijska promocija

Tokom perioda implementacije projekta. PDV fellows su intenzivno radili i na medijskoj promociji. Pored promocije na internet portalima i printanim medijima gdje su ostvarili preko 29 pojavljivanja, Ekipa vezana za "Atlas memorije - mapiranje civilnih spomen obilježja" jesvoj projekat predstavila i tokom gostovanja na televiziji RTV 7 Tuzla kao i u emisiji TV Špica u septembru 2024. godine. Projekat osnaži svoj glas je pronašao svoj medijski prostor i na televiziji Sarajevo i u emisiji Tuzla danas, dok je projekat "Romani Lil" gostovao u programu Televizije Sarajvo, FACE TV i Radija Slobodna Europa. Predstavnice projekta "Dragi prijatelju" su publici govorile o učinku rezultata njihovih aktivnosti tokom emisije Špica na TVSA, na NOVA BH i na FACE TV.

2.8 Zatvaranje programa

Uspješan završetak 12. ciklusa "Poticanje demokratskih vrijednosti i aktivnog građanstva među mladima" programa" je održan 30.09.2024. godine, obilježivši ga bogatim programom koji je okupio sadašnje učesnike, alumni zajednicu i goste, pružajući priliku za inspirativne razgovore i razmjenu iskustava. Sesija, "Od učesnika do lidera: Priče o uticaju učešća u programu na studente", okupila je sjajne alumne – Harisa Šehovića, Laylu Jusko, Ajnu Mešić i Almu Ramić – koji su podijelili inspirativne priče o tome kako je učešće u programu uticalo na njihov profesionalni razvoj i aktivizam i pomoglo im da postanu lideri u svojim zajednicama. Potom je uslijedila prezentacija [Studije uticaja programa "PDVIAGMM 2020-2024"](#), koju je predstavila izvršna direktorica, Zarja Marković. Istaknuta su ključna dostignuća programa kroz posljednje četiri godine rada, budući pravci našeg djelovanja, prilike za Alumnije i načini kako mogu ostati angažirani na ovom programu. Učesnici su zatim predstavili svoje projekte koje su implementirali tokom ljeta u lokalnim zajednicama, a diskusija je otvorila prostor za razgovor o izazovima i uspjesima koje su iskusili. Jedna od najzanimljivijih sesija bila je "Speed Networking sa alumnistima", gdje su učesnici kroz brze interakcije ostvarili poznanastva, razmijenili kontakte, dobili savjete i inspiraciju od iskusnih aktivista i profesionalaca iz nevladinog sektora. Dan je nastavljen sa interaktivnom debatom radionicom koju je, facilitirala Ivana Kešić, i pomogla učesnicima da unaprijede vještine argumentacije i javnog govora.

3. INTEGRIRANJE BIH U EU - PREVAZILAŽENJE POGREŠNIH PERCEPCIJA

04. decembra 2023 godine, Fondacija je, u partnerstvu sa Fakultetom političkih nauka Univerziteta u Sarajevu, organizovala veoma posjećenu i medijski popraćenu, jednodnevnu naučnu konferenciju „Integriranje Bosne i Hercegovine u Evropsku uniju: Prevazilaženje pogrešnih percepcija“.

Konferencija je započela promocijom knjige „Integrating Western Balkans into the European Union: Overcoming Mutual Misperceptions“ koja je nedavno objavljena u izdanju prestižne kuće Palgrave Macmillan. Iako su recenzije izvanredne, a pažnja koju je knjiga izazvala na međunarodnoj akademskoj i stručnoj sceni izuzetna, domet ovog izuzetno vrijednog izdanja na engleskom jeziku, u Bosni i Hercegovini je ograničen. Razgovorom o knjizi, željeli smo to promijeniti i ova važna pitanja približiti i bh. javnosti. O knjizi su govorili prof. dr. Sead Turčalo

(Fakultet političkih nauka UNSA) i urednica prof. dr. Milica Uvalić (Robert Schuman Centre, European University Institute, Firenza), kao i autori: prof. dr. Jovan Teokarević (College of Europe, Varšava), dr. Renzo Daviddi (bivši zvaničnik institucija EU), Margareta Rončević, MA, i prof. dr. Nedžma Džananović (Fakultet političkih nauka UNSA).

Na drugom panelu pod naslovom „Integriranje u Europsku uniju iz perspektive BiH“ svoja su aktuelna istraživanja i uvide predstavili istraživači sa Fakulteta političkih nauka UNSA: prof. dr. Sarina Bakić, prof. dr. Ehlimana Spahić, doc. dr. Samir Forić, te doktorski kandidati Jasmin Hasanović, Berina Beširović i Osman Sušić. Na trećem panelu predstavili smo neke od projekata koji, u sklopu vladinih, nevladinih i visokoškolskih obrazovnih institucija, na specifične načine prate, podržavaju, analiziraju i unapređuju eurounijski integracijski proces. Govorili su Maja Rimac (Direkcija za europske integracije BiH), Edo Kanlić (Sarajevski Otvoreni Centar), Denis Čarkadžić (U.G. „Zašto ne“), Zarja Marković (Humanity in Action BiH), Amer Kurtović (Unis4EU, Internacionalni Burch Univerzitet), prof. dr. Nedžma Džananović (PoSIG, Fakultet političkih nauka Univerziteta u Sarajevu).

Organizaciju promocije i konferencije podržao je Fond Otvoreno društvo BiH. Video sa konferencije je dostupan [ovdje](#).

4. HEAR THE CHILDREN: HEALING THROUGH STORIES AND ART

U sklopu projekta „Hear the Children: Healing Through Stories and Art“ HIA BiH je u februaru 2024. godine ugostila tim iz Art Centra „Cublo“ iz Ukrajine. Gošće su bile Natalia Shevchenko (psihologinja i psihoterapeutkinja iz Kharkiva, te direktorica teatra), Daryna Pirich (dramaturginja i voditeljica amaterskog pozorišta za djecu), Tetyana Literati (novinarka i spisateljica), Tetyana Kolesnyk (aktivistkinja, vlasnica 3 kafića), Tetyana Smryga (umjetnica i direktorica Cublo centra). Njihova posjeta je trajala 2 dana, 19-20. februara, koja su bila ispunjena mnogobrojnim aktivnostima. 19. februara je upriličena zajednička posjeta Muzeju ratnog djetinstva u kojem su gošće imale priliku vidjeti izložbu i razgovarati sa direktoricom Aminom Krvavac. Nakon posjete gošće su obišle Baščaršiju gdje su imale priliku probati bosansku kafu. Kao zadnju aktivnost tog dana u Vijećnici je posjećena Ars Aevi izložbu, koju je predstavio osnivač i direktor Enver Hadžiomerspahić. Dan poslije, 20. februara smo započeo sa posjetom Galerije 11/07/95, a nastavljen sa posjetom Sarajevskog ratnog teatra – SARTR-a, i razgovorom sa glumicom i direktoricom Majom Salkić, te gledanjem dijela problema predstave „Mjera za mjeru“, Viliama Šekspira. Održan je i sastanak sa Amelom Puljek-Shank iz Mirovne akademije/Peace Academy, što se pokazao kao najupečatljiviji momenat njihove posjete gdje su imale priliku diskutovati sa Amelom o njenom iskustvu, te naučiti iz primjera Peace Academy kako postupati sa traumama u procesima izgradnje mira. 28. februara su se održale dvije online sesije u koje su se uključile i ukrajinske partnerice. Tokom prve sesije razgovaralo se sa Velmom Šarić iz Post-Conflict Research Centra, a nakon toga sa Ajom Jusić, direktoricom udruženja „Zaboravljena djeca rata“. Tokom ove dvije sesije, Velma i Ajna su podijelile svoja iskustva i inovativne pristupe kada je u pitanju suočavanje sa prošlošću i ratnim traumama kroz različite oblike umjetnosti. Njihovo djelovanje kroz različite predstave kao što je predstava „U ime oca“ i dokumentarna serija „Obični

heroji“ su odlični primjeri koji su inspirisali naše gošće. Nakon pozitivnog feedbacka, ostavljena je mogućnost za buduće saradnje sa Centrom Cublo.

5.MEDIA LITERACY CAPACITY BUILDING PROGRAM

Početak aprila 2024. je otvoren poziv za Media Literacy Capacity Building Program koji implementira konzorcij od 8 organizacija sa Zapadnog Balkana u Visegrad zemalja, pod liderstvom Alfa Centra iz Nikšića, Crna Gora. Do 30. aprila priliku da se prijave imali su bosanskohercegovački studenti_ice dodiplomskog studija, master studija u oblasti novinarstva, odnosa s javnošću, obrazovanja, prava, ekonomije, politologije i međunarodnih odnosa, policijskih i vojnih akademija. Odabrani polaznici su pohađali ljetnu školu u Crnoj Gori početkom septembra 2024. godine. Nakon ljetne škole uslijediće mentorisane kampanje gdje će pojedinačni timovi dobiti malu stipendiju za provođenje informativne kampanje u temeljene na stečenom znanju o medijskoj pismenosti kako bi služili kao multiplikatori među svojim vršnjacima

U maju je obavljena selekcija 5 učesnika za učešće na projektu, te smo u tu svrhu održali online intervju i odabrali sljedeće aplikante: Sara Prošić, Fatima Jevrić, Mirza Rakovac, Anja Popović, Ana Sokolović. Nakon što smo zaprimili sve potvrde učešća, učesnike smo spojili smo sa projektnim partnerima Aleksandrom Tothovom i Omarom Memiševićem, iz Strategic Analysis SK, za dalje dogovaranje oko učešća na projektu i ostalih detalja kao što su prevoz i implementacija mini projekata na kojima će učesnici raditi nakon Ljetne škole u Crnoj Gori.

1. 12 LEKCIJA O NATO-U I BOSNI I HERCEGOVINI

Projekat “12 lekcija o BiH i NATO-u”, podržan od strane Ministarstva vanjskih poslova Republike Češke, je započeo sa radionicom u decembru 2022. godine planiranjem tema za poglavlja knjige, raspodjelom učesnika u timove i upoznavanjem sa mentorima. Učesnici su tokom narednih mjeseci intenzivno radili na istraživanju i pisanju poglavlja uz vodstvo mentora.

U novembru 2023. godine, završen je rad na uređivanju svih poglavlja knjige od strane mentora učesnika, prof. dr. Jasmina Hasića i prof. dr. Nedžme Džananović, obavljena je lektura knjige, te su napisane dvije recenzije od strane prof. dr. Mirze Smajića, FPN UNSA i prof. dr. Adisa Maksića, Internacionalni Burch Univerzitet. Urađena je i katalogizacija knjige u Nacionalnoj biblioteci Bosne i Hercegovine.

Početak decembra 2023. godine je održana zvanična promocija publikacije „Perspektive s margina: Dekonstrukcija preovladavajućih političkih narativa o odnosima BiH sa NATO-om“ na Fakultetu političkih nauka UNSA, koji je ujedno bio i izdavač publikacije. Počasni gosti na promociji su bili: otpravnik poslova Češke ambasade u Sarajevu, gospodin Jozef Zrzavecki, zamjenik ministra vanjskih poslova BiH, gospodin Josip Brkić, moderator događaja gospodin Antonio Prlendi, Ministarstvo odbrane BiH.

Izdavač: Fakultet političkih nauka Univerziteta u Sarajevu

Uredili: Prof. dr. Jasmin Hasić i prof. dr. Nedžma Džananović.

Autori: Marko Čuže, Davor Džakula, Nedžma Džananović, Jasmin Hasić, Selma Ibrenkić, Lamija Kovačević, Ajla Kuluglić, Nina Kurt, Nikola Lero, Filip Novaković, Nasiha Nuhanović, Margareta Rončević, Ema-Džejna Smolo-Zukan, Mubina Šašić, Haris Šehović i Emman Žiško.

Konačna verzija knjige se nalazi na [linku](#), dok se video sa promocije nalazi na [linku](#).

2. OSTALE AKTIVNOSTI

Početkom novembra, naša izvršna direktorica Zarja Marković i senior fellow Isa Zuhrić su prisustvovali konferenciji UN-a o mladima i mobilnosti u kontekstu klimatskih promjena gdje im se obratilo nekoliko ambasadora, predstavnici UN-a, predstavnici vlasti BiH, kao i omladinski aktivisti, pojedinačno i kroz panel diskusije.

Učestvovali smo i na S.T.A.R. FEST-u – Festivalu za razvoj karijere, održanom u Domu mladih Skenderija 15. novembra, gdje smo razgovarali sa velikim brojem mladih i prezentirali prilike za edukaciju, izgradnju vještina i umrežavanje kroz HIA fellowship programe.

PCRCBiH je u januaru ove godine organizovao studentsku posjetu za 20 mladih naučnika i istraživača sa Elon University Bosni i Hercegovini u sklopu njihovih programskih posjeta Kipru i BiH. Studenti su razgovarali s predstavnicima organizacija civilnog društva i stručnjacima u područjima tranzicijske pravde, izgradnje mira i ljudskih prava. 20. januara programska direktorica Zarja Marković je bila dio panela zajedno sa predstavnicima SOC Sarajevo i Jevrejsko kulturno-prosvjetno i humanitarno društvo "La Benevolencija" na temu Ljudska prava i položaj mladih u BiH.

Post-Conflict Research Centre je u februaru organizovao MIR Fest/Peace Fest 2024. U sklopu istog su 26.2.2024. koristili našu društvenu igru „Behind the Wall“ koja se bavi temama izgradnje mira, pomirenja i ostavština rata. Kroz ovu interaktivnu vježbu učesnici su se upoznali sa pomenutim temama i otvorili prostor za diskusiju.

28. februara smo prisustvovali manifestaciji obilježavanja 7. rođendana Muzeja ratnog djetinjstva u Domu Mladih u Sarajevu. Ceremoniju obilježavanja rođendana otvorila je direktorica MRD-a, Amina Krvavac, kratkim pregledom istraživačkih, izlagačkih i edukativnih aktivnosti u protekloj godini. Zatim nam se obratio osnivač i generalni direktor MRD-a, Jasminko Halilović, nakon čega su se na bini obratili i partneri poput Ingrid MacDonald. Uslijedila je panel diskusija na temu „Šta je nama Muzej“ te proglašenje dobitnika „Stipendije Lejla Hairlahović Hušić“.

Post-Conflict Research Centre je organizovao regionalnu konferenciju „Izgradnja zajedničke agende za prevenciju na Zapadnom Balkanu“ 21. marta u Podgorici, Crna Gora na kojoj je prisustvovala Zarja Marković. Neka od pitanja na kojima je bio fokus tokom konferencije su suočavanje sa prošlošću, uključivanje žrtava u procese tranzicijske pravde na svim nivoima, zatim kako civilno društvo reaguje na veliki porast poricanja i retorike pune mržnje na internetu? Konferencija je organizovana uz podršku: Koalicije za prevenciju genocida i masovnih zločina na Zapadnom Balkanu, Centra za postkonfliktna istraživanja, čiji je Fondacija član od osnivanja 2017. godine, i Fondacije Impunity Watch u Podgorici uz podršku Kancelarije komesara za ljudska prava Vijeća Evrope, Rockefeller Brothers Fondacije, Italijanskog ministarstva vanjskih poslova, EU u BiH i UNDP u BiH.

25. maja asistentica Dženana Osmanović, i interni Aida Topić i Patrick Dominic Wright, predstavljali su HIA BIH na Career Leap Summitu, u Tershhouse 2, gdje su imali priliku upoznati mlade s radom naše organizacije.

Na poziv Centra za post-konfliktna istraživanja, izvršna direktorica Zarja Marković je bila dio panel diskusije o 'Porastu veličanja ratnih zločinaca i govora mržnje na Zapadnom Balkanu', u okviru Srebrenica Youth School, održane u Memorijalnom centru Potočari sa mladim ljudima iz Bosne i Hercegovine, Srbije, Hrvatske, Crne Gore, Austrije, Francuske, Švicarske, Holandije, Njemačke, Švedske, Ujedinjenog Kraljevstva, Sjedinjenih Američkih Država, Meksika i Kanade. Na panelu su govorili i Agnes Picod (UN u BiH), Vladimir Andrie (Jevrejsko kulturno-prosvjetno i humanitarno društvo "La Benevolencija", Jevrejska Opština Sarajevo), Joeri Maas (Evropska unija u Bosni i Hercegovini) i Halisa Skopljak (Misija OSCE-a u Bosni i Hercegovini).

10. jula 2024. godine, održan je Senior Fellow pod nazivom „Sljedeći koraci nakon usvojene rezolucije UN-a“ u organizaciji Senior fellows-a Maide Zagorac (2022 Copenhagen Fellowship), Ise Zuhrića (2023 Copenhagen Fellowship) i Kerima Hodžića (2020 John Lewis Fellowship). Ovaj događaj imao je za cilj olakšati dijalog i promovirati bolje razumijevanje izazova s kojima se suočava bosanskohercegovačko društvo, s fokusom na implikacije rezolucije UN-a na genocid u Srebrenici i naredne korake za mlade u podršci procesima tranzicije, suočavanje s prošlošću, podizanje svijesti i edukacija mladih. Događaj je okupio nekoliko fellowsa i Senior fellowsa, mlade iz raznih nevladinih organizacija, te predstavnicu Ambasade Njemačke u Sarajevu. Senior fellows-i su vodili otvorenu diskusiju u kojoj su svi imali priliku da daju svoje misli i ideje.

Naša Fondacija je bila partner njemačkoj nevladinoj organizaciji "Dialogperspektiven. Religionen und Weltanschauungen im Gespräch" tokom pripreme i održavanja dijela programa njihovog studijskog Alumni putovanja u Sarajevo, s ciljem istraživanja bogate historije i izazova međureligijskog pluralizma u našem gradu. Naša izvršna direktorica, Zarja Marković, održala je uvodni govor, ističući otpornost Sarajeva u vrijeme opsade i njegov pluralistički duh, te je govorila o radu Fondacije. Direktorica Marković je također bila dio panel diskusije zajedno sa dr. Pavlom Mijovićem i Aminom Sejfić iz Post-konfliktnog istraživačkog centra (PCRC), gdje su se bavili kompleksnošću ljudskih prava i postkonfliktna rekonstrukcije u Bosni i Hercegovini.

Direktorica Marković nedavno je razgovarala s mladim novinarom Jasminom Alibegovićem za Al Jazeera Balkans o izazovima s kojima se suočavamo u Bosni i Hercegovini, uključujući opasnosti etnonacionalizma, političku nestabilnost i potrebu za izgradnjom inkluzivne demokratije. U ovom inspirativnom intervjuu, Marković je istakla važnost kombinacije formalnog i neformalnog obrazovanja za stvaranje društva koje cijeni ljudska prava, jednakost i pravdu. Intervju se nalazi na [LINKU](#).